



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, broj: 12/03 i 65/13), člana 61., 63. i 64. Zakona o predškolskom odgoju i obrazovanju – prečišćeni tekst („Službene novine TK“, broj: 10/20, 5/22 i 5/25), člana 23. Statuta Grada Lukavac („Službeni glasnik Grada Lukavac“, broj: 14/25), člana 2. i 3. Odluke o utvrđivanju uslova i kriterija za imenovanje na pozicije u regulirane organe („Službeni glasnik općine Lukavac“, broj: 6/04 i 9/17) i člana 33. Pravila JU za odgoj i obrazovanje djece predškolskog uzrasta Lukavac broj 627/21 od 16.11.2021. godine i Odluke o raspisivanju i utvrđivanju teksta ponovljenog Javnog oglasa za izbor i imenovanje članova Upravnog odbora Javne ustanove za odgoj i obrazovanje djece predškolskog uzrasta Lukavac, broj: 01-02-354/26 od 03.03.2026.godine Gradsko vijeće, objavljuje:

PONOVLJENI JAVNI OGLAS
za izbor i imenovanje članova Upravnog odbora
Javne ustanove za odgoj i obrazovanje djece predškolskog uzrasta Lukavac

Objavljuje se ponovljeni Javni oglas za izbor i imenovanje članova Upravnog odbora Javne ustanove za odgoj i obrazovanje djece predškolskog uzrasta Lukavac (u daljem tekstu: Ustanove) na mandatni period od 4 (četiri) godine i to:

- **iz reda osnivača 1 (jedan) član**
- **iz reda vijeća roditelja 1 (jedan) član**
- **iz reda stručnih radnika javne ustanove 1 (jedan) član.**

I - Opis upražnjene pozicije

Nadležnost Upravnog odbora propisana je Pravilima Javne ustanove i podrazumijeva obavljanje slijedećih poslova:

- donosi Pravila ustanove
- imenuje i razrješava direktora,
- utvrđuje godišnji program rada,
- utvrđuje planove rada i razvoja Ustanove,
- donosi finansijski plan i usvaja godišnji obračun,
- donosi odluku o statusnim promjenama Ustanove na koje je dana saglasnost i prijavljuje njihov upit u registre,
- odlučuje o mjerilima i kriterijima upisa djece,
- donosi Pravilnik o radu ustanove i druge opće akte u skladu sa zakonom i ovim Pravilima
- odlučuje o svim pitanjima obavljanja djelatnosti, radi koje je Ustanova osnovana, ako zakonom nije određeno da o pojedinim pitanjima odlučuje drugi organ ustanove,
- usmjerava, kontroliše i ocjenjuje rad direktora,
- rješava sva pitanja odnosa sa osnivačem,
- donosi odluke o cijeni korištenja usluga Ustanove,
- odlučuje o korištenju sredstava preko iznosa utvrđenog Pravilima Ustanove,
- odgovara osnivaču za rezultate rada ustanove,
- rješava po zahtjevu o upravnoj stvari iz svog djelokruga,
- odlučuje o žalbama kao drugostepeni organ,
- donosi planove, odnosno programe iz oblasti odbrane, zaštite na radu i zaštite od požara te ostale planove i programe koji se donose u Ustanovi
- donosi odluke o putovanju i inostranstvo

- podnosi osnivaču najmanje jedanput godišnje izvještaj o poslovanju Ustanove,
- vrši i druge poslove u skladu sa zakonom, aktom o osnivanju i Pravilima ustanove.

II - Kandidati za članove Upravnog odbora moraju ispunjavati slijedeće opće i posebne uslove:

a) Opći uslovi:

- da su državljani Bosne i Hercegovine,
- da su stariji od 18 godina,
- da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije,
- da se na njih ne odnosi član IX.1. Ustava BiH po kome ni jedna osoba koja izdržava kaznu izrečenu od strane Međunarodnog suda za bivšu Jugoslaviju i ni jedna osoba koja je pod optužbom Suda i koja se oglušila o poziv da se pojavi pred sudom ne može se kandidovati niti može obnašati nikakvu naimenovanu, izbornu ili drugu javnu funkciju na teritoriji BiH,
- da se protiv njih ne vodi krivični postupak, odnosno da nisu osuđivani za krivično djelo ili privredni prijestup koji predstavlja smetnju za imenovanje na upražnjenu poziciju u roku od pet godina od dana izdržane, izmirene, zastarjele ili oprostene kazne.

b) Posebni uslovi:

- da imaju završenu visoku stručnu spremu odgovarajućeg zanimanja zavisno od djelatnosti reguliranog organa, u okviru koga se kandidiraju na odgovarajuću poziciju, odnosno zavisno od uslova utvrđenih posebnim aktom reguliranog organa,
- da imaju najmanje 1 (jednu) godinu radnog iskustva nakon stjecanja visoke stručne spreme na poslovima u okviru svog zanimanja,
- da nemaju privatni finansijski interes u reguliranom organu za koji se kandiduju,
- da nisu članovi upravnog, izvršnog ili drugog organa političke stranke i
- da nisu članovi upravnog ili nadzornog odbora u više od jednog reguliranog organa.

III - Za sve kandidate koji ispunjavaju opće i posebne uslove u postupku, konačnog izbora uzeće se u obzir i slijedeći kriteriji:

- veći stepen stručne spreme srodnog zanimanja,
- komunikativne i organizacione sposobnosti,
- minimum znanja o organizaciji i djelatnosti reguliranog organa,
- sposobnost savjesnog i odgovornog obavljanja upražnjene pozicije,
- sposobnost nepristrasnog donošenja odluka,
- sposobnost upravljanja finansijskim i ljudskim resursima,
- naklonjenost timskom radu,
- rezultati rada tokom karijere i
- poželjno poznavanje jednog stranog jezika.

IV – Dokumenti koji se prilažu uz prijavu na javni oglas moraju biti u originalu ili ovjerene fotokopije:

Uz pismenu prijavu kandidati su obavezni priložiti slijedeće:

- svojeručno potpisanu kraću biografiju sa adresom i kontakt telefonom (CV),
- izvod iz matične knjige rođenih (ne stariji od 6 mjeseci)
- uvjerenje o državljanstvu (ne starije od 6 mjeseci),
- uvjerenje o prebivalištu – boravištu (Obrazac PBA-3) –(ne starije od 6. mjeseci),
- univerzitetska diploma,

- uvjerenje o radnom iskustvu u struci, potpisano i ovjereno od strane poslodavca ili uvjerenje Porezne uprave o uplaćenim porezima i doprinosima (obrazac JS 3610)
- uvjerenje da se protiv kandidata ne vodi krivični postupak, odnosno da nije osuđivan za krivično djelo ili privredni prijestup, koji predstavlja smetnju za imenovanje za upražnjenu poziciju, u roku 5 godina od dana izdržane, izmirene ili oprostene kazne (ne starije od 3 mjeseca)
- ovjerenu izjavu kandidata na okolnosti iz tačke II-a) alineja 3., 4. i na okolnosti iz tačke II-b) alineja 3, 4, 5.

V - Imenovanje članova Upravnog odbora vrši se na period od 4 (četiri) godine.

Naknada za obavljanje dužnosti članova Upravnog odbora će se odrediti u skladu sa Odlukom Gradskog vijeća.

Svi kandidati čije su prijave formalno-pravno ispravne biti će pozvani na intervju.

Kandidati sa kojim se ne stupi u kontakt u roku od 8 (osam) dana od dana isteka roka za podnošenje prijave, kao i kandidati koji su uredno pozvani a nisu se pojavili na intervjuu, neće se uzeti u obzir u daljem postupku za izbor i smatrat će se da su odustali od kandidature.

O rezultatima konkursa kandidati će biti obavješteni pisano, putem pošte na adresu navedenu u prijavi u roku od 8 (osam) dana od dana donošenja Rješenja o imenovanju članova Upravnog odbora Ustanove.

Ovaj Javni Oglas objavit će se u jednom od bh. dnevnih listova većeg tiraža, "Službenim novinama F BiH" i na službenoj web stranici Grada Lukavac.

Javni oglas ostaje otvoren 15 (petnaest) dana od dana objavljivanja u "Službenim novinama F BiH", jednom od bh. dnevnih listova većeg tiraža i na službenoj web stranici Grada Lukavac.

Kovertirane prijave sa naznakom "Ponovljeni Javni Oglas za izbor i imenovanje članova Upravnog odbora Javna ustanova za odgoj i obrazovanje djece predškolskog uzrasta Lukavac - NE OTVARAJ", podnose se putem pisarnice Grada Lukavac lično ili šalju poštom preporučeno na ADRESU: Grad Lukavac, Komisija za provođenje postupka za izbor članova Upravnog odbora Javna ustanova za odgoj i obrazovanje djece predškolskog uzrasta Lukavac, ulica Trg Slobode br.1, 75 300 Lukavac.

Nepotpune i neblagovremene prijave neće se razmatrati.

**PREDSJEDAVAJUĆI
GRADSKOG VIJEĆA**

Midhat Sarajlić dipl.ecc.